

Títelé foí ke Piyee uu n wói

Lelee rítelé ntí kémee ní we

Yeesu Kirisi utumε kapi ye n sée re Piyee yee rítelé ntí wói. Kirisi pikó pee pee mekee Asii awélé anupū anyine kémee n yekaalē ke Piyee uu rítelé ntí wólu. Piyee ye ró símisi re Silasi kuu né ritiki uú né rítelé ntí wólu (5:12). U ri wói re piké ne ti rikóónú. Papilṵoni-i kuu ri wói, lelee re Rṵm-pṵ. Kirisi pikó fale pee Asii ketē kecáá ní we kuu ri wṵipṵ (2:2). Kapi Kirisi pikó nnya kapi kei we yare písáne. Pi ye né isímé pi kparailē, pin kṵ piwéékuse né pi lémaalē. Lē nnya ke Pṵoli uu pi ηmṵópúselē te piké ikari né kényu mahā pin Yeesu Kirisi inípee tapaalē. Pi ne uyē pee nkpéni kesé íwe ise le.

Ifaaci iyē mekériine ye mmé:

1. Piyee ye ipakare né iwele wale uú né pepepe uritelé ntí ní kēē léise lē ke Uléécáa uu piayu n lṵ uu kṵ né Yeesu Kirisi nkpṵ né umeyise tiki uú né tíyese apí n tálē (1:3-12).
2. U pi ηmṵópúselenle re ápi kape lṵpile, piké isoi yee n kpáiiilē Kirisi kupénecṵ kémee n le (1:13-2:10).
3. Piké né Kirisi m paállē, api pee piisoí kapi yé pipeikēe kémee n le né nyíse re pi unsímé né aseí tikilenle. Uu kṵ icélaa pi pasii yee yé pipiyupipikei kapi yé n wai kémee pi n yóriye. Uu kṵ písihuú kémee metone né piicápine kémee né pi ne pepepe ápi Uléécáa n nyu metone kémee icélaa pi pasii (2:11-4:19).

4. Títelé ntí uwòle ye nté Kirisi pikó icélaa palenle re piké ye píweluké kémee ikari m má pin ne lē ke Uléécaā uu pi n yekeilē tálē (5).

Iyáhaa

¹ Née Piyee. Ne Yeesu Kirisi utumε le. Née nǒ ke Uléécaā uu n wée re ani pansε upikó rítelé ntí wólu. Nǒ písáne le nǒn Pǒnti ne Kalasii ne Kapatǒosi ne Asii ne Pitinii sitē kecáá yekaalē.

² Sáa Uléécaā ye nǒ wée yare kuu mekke-me m ma. U Nfáasone ne ritikile uú ne nǒ wéle uu iyaa yekei re ani Yeesu Kirisi m pakarelē ani kǒ umenyε wole ani funi.

Uléécaā uké ípeelée ne nkíninije meyǎ nǒ he.

Tǒké meyktyiki n tálē te Uléécaā lisone ye wemele

³ Tǒ Urǒpiima Yeesu Kirisi usaa Uléécaā pakare. U íwe meyǎ tǒ ténle uu Yeesu Kirisi meyise pikpǒkpǒ kémee ne tiki uú ne nfáa fale ró he. Lē nnya kari tálē te tǒ nfáa yē.

⁴ U kǒ nfáa fale ró hele re tǒké lisone lē yē. Ai ye fǒni, ái ye mékperinkpe wa, ái ye kǒ caai.

⁵ Nǒ kecáá ke Uléécaā uú ne unnahe m páilē, un nǒ múlē te nǒ ne kefa u tene uké ne nǒrinéyu lǒ nnya. Siyáa tǒrǒ kémee kuu lē waine liké nyíse.

⁶ Mpá kai neni nní m pise re liké ncǒn mpehē mpehē kémee nǒ m peikee re nǒanépǒ aké n caailē, ani ne mpǒonare n cǒpisi.

⁷ Li lē wale re liké yé te íye ke nǒnnéfatenε nsone nn sá. Wura yēè caaile. Mpá ne lē, pi ye uyē ticuruu nna kémee wale piké unsone yē. Nǒnnéfatenε ye wura ríyu fele. Limεcǒ ke Uléécaā uu ye nǒnnéfatenε musí

uké nnsəne yē. Lelēe yé t́iyese aní ha keyáa kē ke Yeesu Kirisi uu umecire ń lesene uké nó n nyíse, písoi iyáhaa ne ipakare ne ríyu yenu.

⁸ Nò u lalē áni kahaŋe u n yē. Ne nkpéni-me áni kahaŋe u n yē, amá nò kò pèé ne kefa u tenelenle, nòn kò mpònarē ne còpisi ái kumúnjé má, lin kò ríyu má.

⁹ Ke Uléécaá uu nóanéyu n lò nnya kani lē ne mpònarē còpisi. Kani Yeesu ne kefa n tene kulaa ye kpē kani n yē.

¹⁰ Antepuyē ye pēe mekeē wéesile piké ṕiyulalē pē kumúnjé yé. Pi pēe mekeē-me lihēhēe lē kani n yòsune nsímé śimisile.

¹¹ Kirisi Nfaasəne ye pēe pikemeé wele nn hái mekeē-me pi śimisi íwe iyē ke Kirisi uu meluke m má ne ríyu tē kuu n śonti uké ń yé. Lē nnya kapi wéesi api perei nsəne piké yé te kumúnjé kúye-i ne íye kai śonti liké lē wa.

¹² Ai pi nyíse api yenu re ái piricuruu ke nsímé mmē kapi n śimisi nń ne mánē, amá ń kń ne mánē. Mmē ke pepēe Nsímé Kēcire nó n yóólē api kò neni nní nó śimisi. Nfáasəne mee keyómecaa n léeri nnaŋe kapi ne nó śimisi. Pilécaatumē ricuruu ye lalē piké nsímé mmē ceri.

Mefine mee ne Uléécaá n sá

¹³ Lē nnya, ani lē kani yé n wa kecáá nókenémúnjé n wailē. Ani ńpá yo n wai ne kemúnjé, ani meyíkíyiki n tálē te Uléécaá yé ne kefa nó fénne uu Yeesu Kirisi mekame kémee ihēe nó pa.

¹⁴ Nò siwá le see ye m pakare. Lē nnya, áni kape nómenéla n tikilē yare kaní pēe ń we áni méka nyu.

15 Ani Uléécaá meco n we non likópe kaase. Uyee nó sée. Ani nómenéwee nnéi kémee n kpáiiilē yare ke Uléécaá yee nó n sée uu n kpáiiilē meco.

16 Li wolaalē te: Ani n kpáiiilē yare ke née n kpáiiilē meco.

17 Nō ye non Uléécaá n yáási, nō ye u sée re Sáa. Uu ye úka keyu ripaí uké kelenē umewai kecáá u túhaane. Lē nnya, li ne sá re nōké lē nnéi kani nínésói kémee n wai kémee u n wuru.

18 Nō kō meyíkíyiki nyule re ái linyine lee ye n caai yare nní nwóóweni née wura kapi kpísi apí ne nóányu lólu apí ne nópínékpure mewee mee áme kuláa kúka m má kapi nó rintéjse kémee nó lese.

19 Amá Kirisi menyē sōne mee ríyu m má kapi ne ró lése. U we yare inyóansesan yee íi ríka n caailē, íi kō ríka tējlē kapi ne ró nyóonse.

20 Uyē ke Uléécaá uu hái mekeε-me wée uu kelenē mpá yo wai re uké písoi ayu lō. Uu kō nkpeni nó nnya siyáa tōrō nsí-i u leseri re liké nó yóriye.

21 Uyē kani ritiki aní ne Uléécaá kefa tene. Uléécaá uyee pikpōkpō kémee u yukuse uu ríyu u waise re nōké ne Uléécaá kefa tene ani kō ne u n tálē nnya.

22 Nō nkpeni nsímései mee ye usoi riyu n lō pakarelēnle ani péé ne fe ani meyíkíyiki n lakaane nsonē. Lē nnya, ani ne nósínéfa nnéi n lakaane, ái kape kecáá kecáá.

23 Uléécaá Nsímé ye tíyesele ani nfáa fale yenu. Ani nfáa fale yē yare kapi ye kesoi pipi kee ye n kpu m mári. Uléécaá Nsímé n n we yare nlukēpuri mee ye n caai. Nn ye caai. Mesére kní we ne nnfaa.

24 Kesoi pipi ye we yare meyúí.

Keriyu kake ye n yé yare meyúí mēfele.

Meyúí yee kóósile mēfele amē súrii.

²⁵ Amá meséere ke Upíima Nsímé Kεcire pów ye n we.
Nsímé mmē kapi nní Nsímé Kεcire kέmεε nó riyóó.

2

¹ Lē nnya, ani rikpákárá nnéi mpuri ne nnóome ne kecáá kecáá mēwai ne kufatoi ne iwóhó riyá.

² Ani Ulééca nsímé n la yare ke siwá fenfēí asi ye nní mēpe sone ní la, liké tíyese nóké nsone papisi, liké kó nánéyu ló nnya.

³ Nó Upíima isoi sone pilélé masile.

Kirisi pikó ye Ulééca mpuri pikó le

⁴ Ani ne u rikó, uyee ripare kecire tee ye nfáa n he ke pisi api n kési, Ulééca pów ri wée re tete uinipee-i rinéikóó.

⁵ Nó ticuruu, nóóké kó n we yare apare nyee nfáa m má. Nyē ke Ulééca uu kpísi, uu tíyese Unfaasone nní ne ukéyo u móm. Kei kaní yé piléékóó icápine n wai, piléékóó pee pinfaa n kpísi pin ne inyóonse kuu ní la u wai, uyē un kó Yeesu Kirisi nnya i pakarente. Ulééca Nfaasone kέmεε ke liinyóonse iyē ii léeri.

⁶ Li Ulééca Nsímé ritelé kέmεε wólaalē te: Ne ripare ke Ulééca uu n wée tin nnéi má kpísile ké Siyóo-pó karií riké pansε kenúí ripare. Uye un ne ri n tálē, úu isei meluke má.

⁷ Tipare tee nó mpí nóo nní ne kefa n tenelē kέmεε kuláa píima mále. Amá ri pepεe ápi Ulééca ne kefa n tenelē kέmεé wele yare lē kapi nní Ulééca Nsímé ritelé-i n wói re:

Tipare ke pimómε api n fómpe tee nkpéni pansε tikεcire tee kenúí-i ní we. Li kó wólaalē te: Tipare rinyine ye ri ke pisi api ye rinkpóu,

kuparecaṅaa kunyine ye ku kpee ye pisoī n lóise.

⁸ Ke pisoī pē api Uléecaa nsímé pipakare ní ye nnya kapi ti rikpau. Lē kai kō hái mekee-me we re liké pi wa.

⁹ Amá nō ne mpuri mmē ke Uléecaa uu n wée le. Nō piléekó icápine le ppe uyóopi inyóonse n wa. Nō Uléecaa pikó le. U nóányu lóle uu metéi kémee nó yekei re ani umewai píima pisoī riyóó.

¹⁰ Ani ppe mekee Uléecaa mpuri pikó, amá nō nkpeni umpuri pikó le. Uléecaa uu ppe mekee íwe nó tē, amá u nkpeni íwe nó ténle.

Isoi kai m pise re Uléecaa ukéikó uké li

¹¹ Pinésáne lala kecire, nō ketē nté pisáne le ppe pincee n tósu. Ne la ké nó riḡmóópuse re ani nómenécire tī, áni kape likáipi-káipi lee ne nó n tōpu n tikilē.

¹² Nóinésoi kani n le nōn ne ppepe api Uléecaa n wuru kémee we iké n nyamí. Lin lē n wa, kei kapi yé ppe nó ní wóhōsi re nō mewai kópe wai, api kei nómenéwai sone yenu api Uléecaa ríyu waise keyáa kē kuu n sónti.

¹³ Ani Upíima nnya sisoipipi iyóopi nnéi yee ketē kecáá ní we m pakarelē. Ufoí yee uyóopi yee ketē nnéi kecáá ḡnaḡe n te.

¹⁴ Ani kō ppepe umetene ní we m pakarelē. Pē kuu túmei re piké ye piwaikópekó kutu ripasa, piké kō ppepe lisone n wai ríyu waise.

¹⁵ Lē ke Uléecaa uu ní la lee re ani lisone n wai, piníri ppe ne nó n kēḡene piké ne rinsée nnya.

¹⁶ Ani n we yare pisoī ppe api úka kecáá n tū, amá áni kape ppe re káni nní úka kecáá ní tū nnya, nó rikpákára mewai m má nōn mekecáá yáriilē. Ani n we yare Uléecaa pikeikó.

17 Ani ye nḗpá úye m pakarelē. Ani nópínémáreca n la, ani Ulééca n wuru, ani kə uyóopi ríyu n waiselē.

Kirisi iwe kari yé m paílē tən ne irókó le

18 Nó pikéikó, li pise re nəké nómenećíre ricepise ani nópínékeisaa n wuru. Ai pē isoi ye n nyamí pin kefa láárú nmanε, amá ne pē mekó mee m páápú kani yé m pakarelē.

19 Li nyamle re nḗpá pin usoi íwe n lukεise kái peé ne n sá re uké n le, li ríyu mále re uké Ulééca kuú ne aseí n tikiłē nnya n kahari.

20 Asei kecáá, tíyu ríye kai má re usoi uké uncaai nnya íwe n yenaalē. Amá in te usoi ye lisone wai un kə peé ne íwe kahari, li Ulééca inipee-i lisone le.

21 Lē ke Ulééca uú ne nó n sée re ani ye wa ye lē. Kirisi pḗ ne kə nókenécáá íwe lile uú ne nó nyíse re ani uncee n tikiłē.

22 Uyē úu akópe áka wailē, nnóome ríka rín ketume unnə-i léeme.

23 Pi u lámaankeele, amá úu úka alé ceei, api íwe u lukεise, amá úu úka sisikee, amá umecire kuu kpísi uu Ulééca ye aseí ne n túhaane anipee-i wai.

24 Arókópe kuu kpísi uu ukεcáá wai apí ne kunapéékó kecáá u karií re akópe aké kerócáá le, təké peε leleε n nyamí Ulééca inipee-i n wai nnya. Uakpē nyεε tíyεε ke tóo ne peí.

25 Nə peε mekeε-me nyéεile yare sipoipipi seε m pə. Amá nə nkpeni useεsé ne uyεε nókenécáá m paílē kémeε peléle.

3

Pinósi ne pipila kecáá nstímé

¹ Limεcɔ kaí we ne nɔ́ pinósi kέμεε, ani nómenécíre ricεpise, mπά nó úye uké uula m pakarelē. Lελεε yé tíyεσε pē pila pεε ápi nókenécɔpe Uléεcaa nsímé ne kefa n tenelē api nóinέsoi sɔne yenu. Mπά nɔnsá nsímé mmē n símisi, pi yé pεé ne Uléεcaa kefa tene

² re pi nóinέsoi sɔne kani n le nyáni nnya.

³ Ani kapε ne ipiηε kecáa melape lekaa-lekaa kutu n cɔlē, yarε nní pinyúpipahaa ne wura ikólé ne ilú sɔne pitánti.

⁴ Amá lελεε Uléεcaa kέμεε ríyu m má lεε nní melape lekaa-lekaa μεε usoi kefa-i m pékaalē. Ame ye caai, áme ye kɔ fɔni. Lελεε nónnéfanare ne nóinέsoi niηε-niηε kani n le.

⁵ Limεcɔ ke pεε mεκεε pinósi pεε Uléεcaa ne kefa n tenelē pin pipila pakarelē pin kɔ ne Uléεcaa tálē api ye pεε lapisi.

⁶ Piuse yeε nní Sara yeε pεε ula Apiraham m pakarelē hái uu ye ne u séi re uusaa. Nɔn lisɔne n wai, nɔnsá líka n wuru, nɔ pansεε ukεpire pikó.

⁷ Limεcɔ nɔ́ pitisi, ani ne nópinénósi n we nɔn rísɔne pi naresi re ápi páápú nnya. Nfáa mmē ke Uléεcaa uu nó n he faalaa, nó ne pē kuu kesē n he. Lē nnya, ani ríyu pi n waiselē. Lin lē n we, líka ái yé pεε nópinέyómeyáhaa kέμεε nó púnεise.

Li pise re Kirisi pikó piké n lakaane

⁸ Ntórɔɔ kam nó n símisine ye mmú re ani kemúnηέ keσε m má nɔn kefa pénelē. Umáρεcɔ nla nké nókenéméé n we, ani ye kɔ ucɔ íwe ténι ani kɔ nómenécíre n cepiselē.

⁹ Ani kapε ye mεwai kópe n ceikeνε, áni kapε ye kɔ alé n ceikeνε, amá ani ye rinóɔ sɔne usoi ritikise.

Lē nnya kuu nó sée re ani ye lē wa, rinóo sone riké kó
ne nó n tikilē yare kuu mí ma.

¹⁰ Li Ulééca Nsímé ritelé kémee wólaalē te:
Usoi un meýíkíyiki n la uké isoi sone li liké kó siyáa
nnéi u n láárú,

li pise re uké urilempi ne nsímé kópe tí.

Uu kó unnóo ne nnóomesimé kááse.

¹¹ Uké umecire ne mewai kópe tó. Uu lisone n wai.

Uké nkíninje piwélaa ne kéyu m mahanlē.

¹² Upíima ye pepere asei n tíkilē inípepe tapaalene.

Un kó pipiyomeyáhaa kutu colē.

Amá u ye pepere mewai kópe n wai kepire ritóle.

¹³ In te lisone piwai kaní ne kéyu mahanlē, wóo yé
pree íwe nó n wai?

¹⁴ Ticuruu in te lisone kani wai nnya kani íwe le,
liké nó n láárú. Ani kape pisei n wuru, líka ái kape
ye kó nfasimé nó tā.

¹⁵ Amá ani nósinéfa-i n nyu re Kirisi ye Upíima,
ani kó ríyu u n waise. Ani ye nómenécíre n cápinelē
nón ne mé te pin nó m pise re yo nnya kani nní meýá
ne u tálē

¹⁶ nóké rinóo nsone yosí ne ipakare. Ani kefa n
kpáiiilē, pepere ne nó n náasi re piké nórinéyu kpu pin
nó lámisi re nó Kirisi tikilē nnya, piké isei li.

¹⁷ In Ulééca mela, li kutósi we nóké lisone n wai
nón ne íwe le ne kani yé nómenéwai kópe kecáá nnya
íwe n le.

¹⁸ Asei kecáá, nkpo cireníje kóló ke Kirisi uu pisei
akópe kecáá kpu. Uricuruu úu akópe áka má, amá
uu pikópekóó kecáá kpi re uké ne Ulééca kémee pi
ha nnya. Pi u kpule uu kpi yare ke kesoi pipi ake ye
n kpu mecó, amá Ulééca Nfaasone nn u yukuse,

19 hái uú ne pepere nkpò kuhore-i n kpaniilē Nléécaasimé yóó.

20 Pē ápi pēe Uléécaá pakare kumúnjé kpe-i kuú péé ne pi n kahari úu la uké ukuwai yukuse. Péé uye-i ke Nowee uú pēe ukutakai kari. Písoi nkáripí, pípa ha ηmane pēe kukemee lompo, aku míni kecáá n tasilē Uléécaá uú ne piayu lólu.

21 Limeni mē ye míni kani ye neni nní rí wóle ai nóányu lólu kumíri le. Ápi míni nó wóle re líké nóinépiηe kecáá mékperinkpe heere. Pi míni nó wóle re líké nyíse re nò ne Uléécaá ténile re uké ne Yeesu Kirisi meyise pikpòkpò kémee ritiki uké ne nókenémúnjé sònkuse.

22 Uyee keyómecaa ritaá uú ha Uléécaá kuluke-luke-i kényukáótonε-i tonε. Uanipe-i ke Uléécaá uu piléécaatumε ne lē nnéi lee kei ríyu ne rínaηe m má wa un líkecáá tū.

4

Lē kapi ye Kirisi kémee isoi fale n li

¹ Kirisi ye uipiηe kémee ntóósi konle. Lē nnya, ani ukemúnjé kē kecá m múílē nòn ne mé te nòké íwe li. Nkó yee uipiηe kémee ntóósi n kó yèè fele uu akópe piwai yá.

² Lē nnya, kaí ne neni n kpísi, ái píse re nòké Uléécaá mela n tikilē nòn kò ne ituηe tərōō nnyí kai nní ketē kecáá nó n tise nóinésoi le. Ani kape lē ke nóinépiηe ii n káipinkεε n tikilē.

³ Asei kecáá, nò pēe mekeε pepere ápi Uléécaá n wuru mela meyá wale, nòn mékperinkpewai ne pikáipinkεε ne pítaniré ne iluke pícaainkεε ne pítaniré íkeηene wai nòn piléé nyóōnse.

⁴ Li nkpéni lipite pē nnóo yile re ani ye kō mewai kōpe mē piwai rikpá pimεcō. Lē nnya kapi nó lámisi.

⁵ Pi yé kam api pimεwai Uléécaá kéeηkεε. Uyεε umεcire cápινελενλε uké ne pinyánnyá ne pikpōkpō nnéi túhaane.

⁶ Lē nnya ke Kirisi uu Nsímé Kεcire riyóó uú ne pikpōkpō ricuruu péne. Pi pimεwai kecáá ne pi túhaanele yare nípá kesoiπipi kéye mεcō. Amá Nfáasone nnya, pi yé nkpéni fe api Uléécaá kέmεε nfáa m má.

Lē kapi ye Uléécaá lihεεhεε rimmúú

⁷ Mpá yo keto ye nnyáã wale. Lē nnya, ani mesōhō m má nōn nípá yo wai ne kemúnjé, nōké ne piyómeyáhaa n fe nnya.

⁸ Lē nnya, lē kani yé n wa lee re ani meséρε nsonε n lakaane. Nla yèè akópe meyā tinnεε.

⁹ Ani kusáne n wapaane. Ani kape ye kefa-i n ηmōpu nōn ne pisáne yósu.

¹⁰ Uléécaá ye nípá nó úye linyine hele ne limpehē. Lē nnya, nípá úye uké ulihεεhεε kpísi uú ne picō n léni. Nōn lē n wai, nō pεε lē pisoí le pεε Uléécaá lihεεhεε nsonε m múílē.

¹¹ Lin úye n he re uké ye nsímé riyóó, liute uké ye ne Uléécaá nnōó símisi. Lin úye n he re uké ye picō lé, liute uké nnaηε mmē ke Uléécaá uu u n he ne picō n léni Uléécaá uké ne nípá yo kέmεε Yeesu Kirisi rinyiri nnya ríyu yē. Yeesu Kirisi uyεε nípá píyei-pō meýōpi ne nnaηε te! Amí.

Kirisi iwe icō piluke

¹² Pinésáne lala kecire, nókenéwuú áke kape tō ne lē kai nní ne nípape nó m peikεε yare nna mεε

νόκενέκάά κῶνου. Ai kapε νό n we yarε lisáηa linyine ye ni.

¹³ Amá liké meγά νό n láárú re Kirisi iwe icῶ kani le nnya. Limεcῶ kai sónti liké νό n láárú, kumúnē kre-i kuú ha umeyῶpi ní lesene uké pisoι nyíse.

¹⁴ Pisoι pin Kirisi nnya νό n lámisi, liké νό n láárú re Uléécaα Nfaasone, Nfáayukῶ ye nóκενέμεέ wele.

¹⁵ Nó úka úu kapε ίwe n le re u usoi kpu née u linyine yáai née u mewai kópe menyine wa née u picῶ nsímé nnyine kέμεε táhankεε nnya.

¹⁶ Amá in te unyine ye ίwe le re u Kirisi ukó nnya, ái kapε isei u n we. Amá uké meníηe rinyíri tē nnya Uléécaα riyu waise.

¹⁷ Ituηe ye tulle re Uléécaα uké ne pisoι túhaane. Upikó kuú ne koraanene. In te tῶ kai ne koraanene, íye kai yé ha pεe kέtῶ-pῶ pεpεe ápi ní la piké Uléécaα Nsímé Kεcire kutu riñcῶ wa?

¹⁸ Li Uléécaα Nsímé ritelé kέμεε wólalē te: In te aseι ute riyu pilale ye papisi, íye kai yé ha pεe kέtῶ-pῶ pεpεe ápi Uléécaα m pakarelē ne pikópekῶ wa?

¹⁹ Lē nnya, pεpεe Uléécaα mela kέμεε ίwe n le piké ne lisone piwai n nῶηlē, api Uléécaα, aseι ute yeε pi n wa anipe-i pimεcire wai.

5

Lē ke Uléécaα icápine piwéése api yé Kirisi pikó kecáá rimpáí

¹ Lē nnya, Uléécaα icápine piwéése kam nkpeni ne símisi. Né ne kῶ pimεcῶ Uléécaα icápine uwéése le. Ne Kirisi iwe kuu n li ne inénipee yenle. Ne kῶ meγῶpi μεε nfáani n léerine kέμεε ketóne mále.

² Lē nnya, ne la ké nó riηmóópυσε re ani pisεεsē meco pisoι ke Uléεcaα uu nó rimmúise kecáá rísone m paílē. Ai kapε tílasi, amá liké ne nórinépoo yare ke Uléεcaα uu rí la. Ai kapε kō re piluke tóné-tóné pinyine kani kέμεε wéési, amá ani pikεcáá m paílē ne kefa keσε.

³ Ai re noké pē ke Uléεcaα uu nóanénipe-i n wa ne kýyu m páápy, amá ani rísone n wai piké nó n nyáni pin nómenéco wai.

⁴ Nōn lē n wa, uwéεσε yeε pisoι kecáá m paílē yare useεsē un ha n ka, u yé riyóopikōη teε ári ye pí kai n caai nó rikipise ani pεε ríyu m má.

⁵ Limεco, nó pikpére ne piηmáne, ani nómenécire ricepise ani piwéεσε metene n we. Nónnénéí, úka úu kapε ye u ne picō kusenco kέμεε umεcire n taáselē. Li Uléεcaα Nsímé ritelé kέμεε wólalē te: Uléεcaα yè píyuwélaα ncée tápisile uu mpí pεε ye pimεcire rincépise ne kefa fénnε.

⁶ Lē nnya, ani nómenécire ricepise ani Uléεcaα rínaηε nnéi ute metene n we uké ituηε iyē kuu n yekei kέμεε nó ritaásε.

⁷ Ani nónnécōη nnéi ukεcáá topile. U nókenécáá paílenle.

⁸ Ani mpá yo n wai ne kemúηé. Ani kapε lōpile! Nóunélaarō Setani ye kōoniile yare kúkinaá kpeε n senkeε, un wéési uké unyine céériine.

⁹ Ani ncée u tápisi ani kō nfatene kέμεε n taalē. Ani n nyu re íwe kani nní n le icō ke nópinémáreco api ketē nnéi kecáá le.

¹⁰ Uléεcaα ye riyáλε re noké nképni íwe li ái kapε náηai. Amá u Kirisi ne ritikile uú ne nó séi re ani mesére umeyōopi kέμέε n we. U yé unfanare píima

kémee rínanje nó he nónnéfatenne nn papisi líka ái yé
pree nó ritinja-tinja nóké loó.

¹¹ Uyee nípá píyeyi rínanje ute! Amí!

Iyáhaa tərə

¹² Silasi kam n nyu re u aseí tikilenle yee né lé arí
ne kétélepi nké nó wólu ké ne nó rinmóópúse, ké kə ne
nó nyíse re Uléécaá ye meyíkíyiki ípéelée nó nyísele.
Nó ípéelée kuu nó rí nyíse kémee rísonne wele.

¹³ Kirisi pikó ke Uléécaá uu nómenécə n wée
pin Papiləoni nté we ne unéjmanne Mariki ye nó
yáhaapə.

¹⁴ Ani ripiranne ani yáhaanne líké nyíse re nó
lakaanele.

Nó mpí nnéí nóó Kirisi pikó, Uléécaá uké nkíninjé
nó he!

Nkomine Fal Ritɛlé **Sola New Testament**

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1